

Gstanz'1 Herbstlandler 2022

Steinersdorfer Rud

<p>D Nikolana setztn si in szene wei buaht hod die Sirene der Grund is wiakli sehr brisant wean gruafn zu am Foazeigbrand de erstn dort, san koane Schneckn do bleims midn Feiweahauto steckn Liabe Nikolaner mia sogns eich glei tauschts eichen Reio gengan flochan ei</p>	<p>Beim Koim do rennt des Gschäftl rund teuer is d Mechanikastund a ois neich umbaut haums und gor a da junge Hans weil er sichs jetzt leistn kann Schafft er sich an Tesla an Foat damit ind Schweiz sogoar wo erms essn z teia woa</p>
<p>Va Pesndorf da Hannes Plass dem Mochts jagern so vü Spaß mit Toschnlaupn undm Gwehr jagt Fux und Mader hinterher Fährt nächtelaung durchs Laund ballert mitn Gwehr umanaund und in da Arbeit schauts aus schloft er si daun aus</p>	<p>D' Inflation is kaum zum Glaubn macht unmöglich des Hausbaun 20% muasst söba hom 35 Joah daun obiplogn jo wea soid sie des nu leistn bei unsre banken denen dreistn noch 90-joa spoan hot er sie drüber traut da Pölli sich jez a Villa baut</p>
<p>kummst aus neikircha, brauchst kam vazöhn jeda kennt de großbaustön a mille do, a mille dort de riesn hallen stengan sofort da grassl woit a weng wos spoarn wei d aanschlussgebühn, so hoch woan Do haum de kloana leid nix zum sogn guad das ma in wogna fritzi hom</p>	<p>In odlwaung des weats ned glaum is domois ana Kanzler woan zum Mayr seiner Erinnerung haumms gmocht a große waunderung Beim Lafhuaba woas daun so ramans weg des Dixiklo drinnen sitzt die Ulbrich Kathi woa grod fertig mit iam gaki</p>
<p>Die Bundespräsidentenwahl, de war heuer echt a Qual! Sieben austauschbare Mauna hab'n g'lacht va de Plakate dauna. Oana fader wia da Aunda - oid sans olle mitanaunda! Des woa a Wahl, des steht fest, zwischen Cholera und Pest</p>	<p>Im dorf dondrin leidt sterbeglockn Olle senioren mochn si auf d sockn Wen hots den jez wida dawischt Des letzte liachtl is erlischt In katalog woit d poidi vermeidn Do kummt daun glei es beileidschreibn Bam baun do sans hoid gscheide lügner Eisperrt gheans de trickbetrüger</p>
<p>Do soid nu amoi ana sogn aum Bauhof dans nua Zeit totschnogn in Neikiacha woins da zoang das se imma trawig san do des wa wiakli a wunder waun olle wan frisch und munter da Flo der soi nua d heckn schnein hoids foisch vastaunden und trifft d'kniascheim</p>	<p>Da Schau Hansi wiakli woa Is jez a schau 40ig joa Ob er ned a frau schau hätt Waun er hed a gscheides bett Foad eikaffa frohgemut Aum wossabett do liegt sis gut Passt ned auf, auf sei Paket zaschneit der depp sei wossabett</p>
<p>D höfte ehn wean wieda gschiedn do bam diwoid ernst dahoam herrscht friedn es scheint ois häd ea a geheimrezept so funktioniert die ehe perfekt foad fias jubiläum zum Resko der mau doch's fufzga fassl kummt dahoam ned au 50 liter bier d kompani dabei bist ned dahoam gibts ka streidarei</p>	<p>Bau sei is a echt plog Des is wiakli goa ka frog beim dreschen is stresslevel aum hechstn trotzdem denkt ma aun de schwächstn beim zaudian wüd im gedanken foad weg min hänger beim otankn da harin heinz a so a guada zet au sei gerstn ois rehfuada</p>